

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

527. An, & qualiter pensio constitui nequeat exteris.

[urn:nbn:de:hbz:466:1-74494](#)

1. Respondeo ad primum: Hæreticos esse incapaces pensionis. Ventrigl. to. 2. annot. 11. §. 1. n. 21. citans Gig. de pens. q. 9. c. 1. n. 9. Ricciull. de jure personar. l. 6. c. 14. Felin. in c. ad audiencem. de rescrip. l. 2. in princip. Rot. in Conchibens. pens. 24. Octob. 1594.

2. Respondeo ad secundum: Idem extendi ad filios nepotes hæreticorum. Ventrigl. l. c. Barb. juris Eccles. l. 3. c. 11. n. 43. loquens exp̄s̄t de pensionibus imposterum ab iis obtinendis. ac citans pro hoc Sanch. in decal. to. 1. l. 2. c. 28. n. 35. & 36. Farinac. de hæres. q. 191. §. 2. n. 9. Sanctarell. Squill. &c. ac dicens, in materia hæresis beneficium accipit a sumpto hoc vocabulo. Garc. p. 11. c. 10. n. 74. ubi etiam ex Lamb. de jurep. p. 1. l. 2. q. 9. a. 6. sub n. 7. & Gonz. gl. 15. n. 67. id intelligendum ait, de pensionibus jam prius ab istis filiis obtentis.

3. Respondeo ad tertium negativè: cum suspexi tantum de hæresi nequidem contrahant inhabilitatem ad beneficia vel officia Ecclesiastica. Ventrigl. l. c. n. 21. citans Ugolin. tr. de hæres. c. 28. n. 4. Sanch. in decalog. l. 2. c. 27. n. 29. Lott. l. 2. q. 43. a. n. 31. & plures alii apud Farinac. loc. cit.

Quæstio 527. An, & qualiter pensio constitui nequeat exteris?

1. Respondeo ad primum: Dum ex privilegio aliquo exteri capaces non sunt beneficiorum in regno aliquo, videntur quoque incapaces in ibi habendi pensiones; cum eadē ratio militet in pensionibus, quā in beneficiis Barb. juris Eccles. l. 3. c. 11. n. 44. citans Covar. qq. præf. c. 26. n. 9. Baldell. th. mor. l. 5. d. 33. n. 22. ac præcipue Salzedo, in leg. polit. l. 2. c. 16. per tot.

2. Respondeo ad secundum ex Lott. l. 1. q. 36. n. 90. ubi ait: plerumque reservat Papa pensiones super beneficiis quarundam provinciarum, in quibus viget pragmatica, ne pensiones reserventur ad favorem exterorum, tūcque pensionem reservat ad favorem & vitam alicuius curialis originarii illius provinciæ, ad commodum tamen alterius extracui, quem judicat bene meritum; neque enim iuri repugnat, quod jus pensionis sit penes unum, & sic salveretur pragmatica illa, commoditas autem sit penes alium, ut sic pensio habeat mensuram justitiae ex qualitate personæ, cujus intuitu motus est Papa. Neque tamen etiam moriente nationali illo evanescit gratia respectu personæ contemplata, quia hoc casu titularis se obligat solvere pensionem, dato etiam fidejussore, & seculâ bancariâ, statim temporibus, quoque pensionarius vixerit. vide de hoc ulterius Lott. à n. 92. Item Caſtrop. de benef. d. 1. p. 11. §. 10. n. 2. ubi is: solet Pontifex pensionem in beneficiis Hispanie Italo concedere, sed quia ipse Italus nomine proprio obtinere pensionem non potest, ob leges regias & pragmaticas sanctiones, quaræ Hispanum, qui pensionem proprio nomine recipiat, & ei obligetur pensionem reddere. Et quidem difficultate non carer, hauc reservationem validam esse; quia est in fraude & derogatione privilegii remuneratorii à sede Apostolica concessi regni Hispaniæ, ut nullus exterus neque pensionem, neque beneficium Ecclesiasticum ibidem habere possit, cui privilegio videtur derogari, concessâ Italo omni commoditate pensionis, tametsi in capite Hispani imponatur, quia nomine tenus tantum imponitur, & forte ob hanc causam Itali à beneficiario Hispano seculâl bankariam exigunt de solutione Roma facienda; timent enim beneficiarii legibus regni & privilegio regali negotiatur solutionem, quod ne contingat, supradic-

at obligatione præcavent. Concesso itaque validam esse hanc reservationem, vel quia Papa dispensat supra dicto privilegio: vel quia privilegium est, ne exteri beneficium & pensionem jure & titulo proprio in regni Hispaniæ obtineant, non autem, quod non obtineant beneficii aut pensionis commoditatē &c.

Quæstio 528. An pensione imposita beneficio regulari reservari possit seculari?

Respondeo: Clericus secularis non est capax pensionis constituta in fructibus monasterii aut alterius beneficii regularis, ex quo non est capax illius beneficii, à qua capacitate beneficii obtinendi capacitatē hanc pensionis metimur. ita Lott. l. 1. q. 40. n. 117. citans Gamb. de pot. leg. l. 6. n. 24. l. ac præcipue Rot. in Nolan. pens. 10. Jan. 1610. Quamvis dictam rationem responsionis rejiciat n. 130. juxta dicta à nobis supra ex eodem: dum non sequitur, non est capax beneficii, non est etiam capax pensionis super eo beneficio constituta.

Quæstio 529. An regularis seu religiosus capax sit pensionis constituta super beneficio seculari?

1. Respondeo: Illum illius capacem non esse circa Papa specialem circa hoc consensum & dispensationem. Corrad. in pr. benef. l. 1. c. 5. n. 2. 224. Garc. p. 1. c. 5. n. 139. Caſtrop. cit. p. 11. §. 3. n. 9. citans Zerol. in pr. Episc. p. 1. v. beneficium. Sanch. l. 7. in decal. c. 29. n. 94. Zech. de benef. & pens. c. 11. n. 7. Mandol. de signat. grat. tit. de pens. Barb. juris Eccles. l. 3. c. 11. n. 43. Lott. l. 1. q. 40. n. 117. Idque etiam si admitteretur regularis quandoque sine Papa dispensatione capaces esse beneficii curati secularis; nam ex eo inferri adhuc non potest, eos similiter capaces pensionis in beneficio curato seculari constitutæ; quia de beneficio curato providentur ob necessitatē Ecclesiæ, ne fideles remediis ad salutem destituuntur, quia necessitas in reservatione pensionis non procedit. Caſtrop. l. c. ex Sanch. l. c. sic Lott. l. 1. q. 36. à n. 27. in specie de militibus S. Joannis Hierosolymitanî tradit, quod, quia regulares & religiosi sunt, incapaces sunt obtinere pensiones super fructibus beneficiorum secularium, seu quā consueverunt secularibus provideri: idque sive sunt fratres milites, sive sunt fratres Capellaui; cum tam hi, quam isti sunt regulares, eti distinguantur ratione ordinis, & alii dicuntur constituti in ordine militari, alii in ordine clericali. An verò pari modo incapaces sunt dicitur pensionis aliorum ordinum militarium milites, puta S. Jacobi, ex eo; quod licet propriæ regulares & religiosi non sint, cum tria vota substantialia religionis non emitant, sed vivant in conjugio, sint tamen regulares minus propriæ & largè, ob quendam modum regularem vivendi, & quatenus participant in aliis, quae ad statum veræ religionis pertinent, ut ait Lott. l. c. n. 22. 33. & 34. unde & dicuntur personæ Ecclesiasticae, & forum Ecclesiasticum fortuantur, ut idem Lott. n. 35. & 36. an, inquam, si propter dictum statum suū factum analogicē regularem pensiones constitutas in beneficiis secularibus obtinere nequeant, non definiit ibidem Lott. sed l. 1. q. 40. à n. 203. de quo vide dicenda infra, ubi, qualiter per matrimonium extinguatur pensio.

2. Sic in specie de religiosis societatis Iesu tradit Tond. qq. benef. p. 3. c. 196. n. 22. quod etiam post vota biennii tam beneficiorum secularium quā pensionum sunt incapaces non sicut ac alii religiosi; cum per dicta vota non minus efficiantur religiosi;